

新刊國朝二百家名賢文粹

新刊國朝二百家名賢文粹卷第二百三

書

師友問答四

與司馬君實書

韓南陽公

其啓春氣斗溫伏惟動止安和相見之期竟未有定殊增耿耿  
見與景仁以莊鄙拙論議於公有所未盡者同讀中和論疑  
中字解釋未甚明然未敢決然以為非也今試妄言煩公閱  
是非幸復垂諭以解愚蔽言中所欲言者非可以書盡惟冀言  
愛重而已謹手啓不宣其再拜君實資政閣下

中之說有一對外而為言也無過與不及一也喜怒哀樂之  
未發漠然無形及其既發然後見其中節與不中節也故喜怒哀  
哀樂之未發謂之中發而中節謂之和人之心虛則明塞則  
暗虛而明則燭理而無帶應物而不窮喜怒哀樂之發有不中  
節乎中節則無過與不及矣有不和乎在易之卦虛其中曰商

為目為南方為火王弼解復其見天地之心云天地以本為心者也雷動風行運化万化寂然至無是其本也春萌夏長秋落冬閉日月之行星斗之運此天地之迹可見於外者也張官置吏設号施令事功之脩舉民物之茂遂此聖人治天下之迹可見於外者也若其所以迹者蓋莫得而擬議也凡物莫不有本此又衆本之所自出故曰大本凡物不得其節則過與不及於用則為蔽塞為睽乖為不行為患難無此四者枉矣故曰達道明乎此者其見天地聖人之心乎

興司馬君實書三

韓南陽公

某頓首伏蒙枉書教以所不逮甚厚然究極理道非反覆無以諭輒復妄言幸君實審思之中庸曰中者天下之大本其傳曰中為大本者以其含喜怒哀樂禮之所由生政教所自出也其以為中者對外而為言也君實曰中者皆不近四旁之名也指形而言之則有中有外此書以中庸為名所指者蓋德也非有也

其竊以為心者在身之中有知而無形者也請以堂諭之身形也猶堂也對外而言則舉堂之內皆中也若以不近四旁為中則堂之中又有中焉非所謂含藏之中乃得中之中也君實又曰喜怒哀樂之未發統謂之中則及乎已發當謂之外其又以為發者由中出者也出而中即非外而何亦何必曰外君實又以此書以中庸為名指德而言則有主有和若然則經當云喜怒哀樂之未發謂之中發而皆中即謂之庸也此書雖以中庸為名至於左右其說始終其義不害旁有援證也君實不喜莊莊及王輔嗣之說不敢復有稱引今直以本篇之義明之經云誠者天之道誠之者人之道也誠者不勉而中不思而得從容中道聖人也誠之者擇善而固執之者也故有博學審問慎思明辨之說君實又曰易若治心養氣專以中為事動靜語嘿未始不在乎中此正所謂擇善而固執之者也至於不思而得從容中道豈不心養氣所能辦哉所謂誠者非別有物也但誠其心

而已矣心至於不勉不思而中道至矣譬如鐘大叩之則大鳴  
小叩之則小鳴以其中虛也大小自外至者也鍾豈預設大  
於中叩應之哉所謂過與不及者亦因時耦事而為之中也時  
有異變事有異宜亦豈可預設中於心以待之也荀卿大學君  
實之所信也其論心不過曰虛曰靜曰定虛靜定雖非兀然如  
木石亦豈可形容哉孟子曰操則存捨則亡出入無時莫知其  
鄉其心之謂歟亦言心之無定在也書曰惟精惟一允執厥中  
蓋言心能精一則信執其中也君實既以大本之中便為無過  
與不及則其下章當復云哉而皆中節也經曰唯至誠唯能盡  
其性能盡其性則能盡人之性能盡人之性則能盡物之性能  
盡物之性則可以贊天地之化育然則位天地育万物蓋聖人  
得位者之所能也孔子曰予欲無言天何言哉四時行焉百物  
生焉此聖人有其道無其位者也篇之末又引子曰声臭之於  
化民未始詩曰德輶如毛猶有倫以毛為猶有倫則又明以

上天之載無聲無臭則美之心之德與天地參矣但可以意通而不可以形得也今夫穹然而休高蒼然而色正者天之形也雷風日月山澤為天之用者也聖人深洪法宮之中其迹則百官序萬物樂生究其用蓋有不可見者矣易曰形而上者謂之道形而下者謂之器器則自天以下皆器也語道則不可見者皆道也孟子曰大而化之之謂聖聖而不可知之之謂神非立天下之大本者其孰能與於斯其故曰明乎此者見天地聖人之心以習靜者蓋景仁平居見戲之言寧有是邪擇善而固執之正吾人所當勉者敢不如其教不宣其再拜

與梅美叔書

李泉先生

美叔足下聯間忽復歲晚昨九月中嘗書計已達左右洵間居經歲益知無事之樂舊病漸復散去獨恨淪廢山林不得聖俞永叔相與談笑深以嗟惋自離京師行已三年不意朝廷尚未見遺以真不肖之文猶有可者前月永本州鼓遣赴闕就試

聖俞自思僕豈欲試者惟其平生不能區區附合有司之尺度  
是以至此窮困今乃以五十衰病之身奔走万里以就試不亦  
為山林之士所輕笑哉自思少年嘗舉茂才中夜起坐裹飯攜  
餅往曉東華門外逐隊而入屈膝就席俯首据案其後每思至  
此即為寒心今齒益老尚安能使達官貴人復弄其文墨以窮  
其所不知耶且以求收一言與夫三五言所云晉世之所見今  
千里召僕而試之蓋其心尚有所未信也不可苟進以求其  
榮利也昨適有病遂以此辭然恐無以答朝廷之恩因為上皇  
帝書言通以進書自以解其不至之罪而已不知聖俞嘗見之  
否冬寒千萬加愛不宣

與曾子固書

東坡先生

軾叩頭泣血言軾負罪至天苟生朝夕不自屏竄輒通書問於  
朋友故舊門者伏念軾遠事祖父祖父之沒軾年十二年固  
能記憶其為人又常見先君欲求人為撰墓碑雖不指言所屬

然私揣其意欲得子固之文也京師人事擾擾而先君亦不自  
料止於此嗚呼軾尚忍言之今年四月軾既護喪還家未幾偶  
與弟轅閑家中舊書見先君手自疏錄祖父事迹數紙似欲為  
行狀未成者知其意未嘗不在於此也因自思念恐亦旦卒  
然則先君之意永矣不遂謹即其遺書粗加整齊為行狀以授  
同年兄鄧君文約以告於下執事伏惟哀矜而幸察之豈惟罪  
逆遺孤之幸抑先君有知寶寵綏之軾不任哀祈懇切之至

與修仁宗實錄官書

淇水先生

天下之術莫難乎文章而文章以史為難古今儒者之主喜議  
論號為能文章者不可勝數至乎為史而其氣往往為之屈其  
氣雖足以為史而其辭或不能發明當世之事其辭雖足發  
明而又患學術之不精聞識之不博以非為是以是為非不足  
以史賢愚定曲直其氣足以為之其辭足以發明其心又足以  
知賢愚曲直之辨矣則誠天下豪傑之才已而又或牽於私論



左右出入惟其情之所為而不入於公議以亂大法自古左右  
明司馬遷班固范曄陳壽之徒猶不免有此蔽信乎為史之難  
也然則辭氣不完不可以為史不明不可以為史不公不可以  
為史史不可去一於三者之間矣而公為之主焉云伏蒙閣  
下詔修仁宗實錄則是四十二年之間大聖人為治之道為君  
子小人之榮辱其權皆寄於閣下文章義論之任莫大於此者  
某知閣下之文之明之公皆足以為之也是以願求見於左右  
而一贊閣下之盛焉

樊純太博論春秋書

陳寧一

向者請見得聞經義之益雖辱書見教以趙盾許世子書弑事  
不必與諒君弑而大臣不討賊子不當藥而父死皆得為弑不  
必實有弑心若為諫而書弑無取於史法及示惑辭始隱諱其  
間故揮筆大述作之意以明隱公得失之迹詳矣某觀三傳所  
載趙盾許世子事迹本末大約相符而與弑之文此誠學者

不宜表有牙鑿也然而義有未安不能無疑孔子作春秋君  
善惡得失之迹莫不錙銖輕重必一字以示褒貶之法事同而  
情異必變文示義凡二百四十二年之內書弑君者二十有五  
其事異焉則或稱國或稱人或稱盜以別之其事不異焉則公  
子寡大夫弑皆稱名以統之者皆之不討賊一其書豈得藥亦同  
為弑以示史法可也奈何與夫正弑之賊一其書例可乎雖然  
聖人筆削辭約意微至於區別善惡義富自白固不待人而後  
明果一子者止以忠孝不至而責之以弑君之惡亦當變文以  
示義託事以見意不得而失矣州吁宋督之類同為一法也幸而  
三傳存焉且不幸而無三子之傳則首與止遂為正弑之賊不  
復能自矣將必誣其忠目孝子之倫而反穿於大惡安所謂万世  
法欤雖公羊謂盾復再見子經明非親弑葬許悼公明君子之  
赦止切謂不然盾之侵侮其事合書非以明盾如隱公之薨相  
三年復見公子重耳文豈為重耳書悼公葬魯會故也魯葬則

書不書則不書賊未討不書葬蓋施於魯國耳亦非所以救止也其故謂有止之書賊不止於不討賊不當藥也不識如何感麟之意諸儒異同其嘗謂仲丘以文王既沒文在於茲已雖無位皇皇不亡思天下有王者作庶幾猶有用我者故曰鳳鳥不至河不出圖吾已矣夫蓋有俟而行也夫麟亦王者之嘉瑞也必有聖人而後出焉今麟出而無聖人故孔子作傷之曰孰為來哉孰為來哉夫明王不興已又無伯以行其道故曰吾道窮矣傷之至也麟之出哀公之十四年後二年而孔子卒蓋孔子之感麟時七十有餘歲矣夫天命既已終吾道既已窮斯其可已乎於是感麟而發為美之所聞如此苟為非是願開論而質正之

典經太博論春秋書

同前

前月再辱手書以謝以教事皆甚美大作經之大旨實該家數敢不一一記錄以為師範也久以賤冗不時還謝皇恐為深嘗以春秋之書徵尤氏託其行事公穀鼓其機旨則仲丘之志幾不

得而平之是不可謂無大功於春秋然其間裁凡舉例或矣  
大旨有一例而為三說者必以其親授聖人而得其法未可知  
也聖人指辭立法確有指權筆則筆削則削非門弟子所得與  
焉漢夏之徒猶且不指一辭況其少者乎故其褒貶善惡以當  
一王之法自謂春秋天子之事其義則立竊取之文其國史義  
存隱諱凡有大惡不敢直書敵亂之意深而慮患之道微必不  
暴揚其義以授弟子況當時諸侯之國各自有史君曰善惡得  
失之迹昭然可見仲尼既取而脩之所以大法賞罰存焉不必  
傳授直以俟知者知之耳就使聖人授諸其徒使之傳之彼既  
親聞其義則知所為傳無非聖人今法不當誇誣短俗乖謬聖  
人之意如是也先儒只以立明好惡而聖人同途為授經必無  
此理蓋當聖門弟子功聞其義間或得其例略耳遽固諸儒雖  
無三傳與奪蓋其言大約宗左氏而不知聖人之法故彼之與  
不與未足據也子雲云法三晉當時答問之辭固以為韓愈之文

亦因事而為之而未嘗著書蓋不及三傳耳豈其能無辨哉至於揚雄品藻是非仲丘以來諸儒名目懸之紙排異端且欲削荀卿之不合者其亦無讓矣夫聖賢之豈好已之勝人而故有辨論哉蓋及之而不言無以明吾道抑邪說非獲已而然也近世老師大儒能以經術為已任求其如先生者幾希矣夫不廢人之言不廢之條不曰愚與乎然聖人之經待人而後傳如其不傳則已如欲傳之亦將開明大義折諸家異同之說以示後之學者不直有讓也其繼以私事終不克日待言論有所請益其鑽仰之意宜如何也

本姓論春秋書二

同前

此等書旨不肖既損德義重復開其間救明左氏之學益又其學於家聲自然觀左氏書廣記列國之事不無浮誇駭異謗孔子之志者不得比之荀子書也且荀子之書深閑孔法其大槩亦歸聖人之道然時有偏滯未至之處此為

生於耳蓋自孟軻而下求其正辭正識為得聖人之門戶者獨荀卿子為子雲復之而已雖其書若不尽純粹皆無叛於孔子自餘諸儒百氏或出或入固不得而夫四子者比也惟神之事孔子未言而左氏所載鬼神之事皆淫辭無法又而夫春秋書所記災異事豈相類哉推此而言則左氏書不由聖人之法間有之矣近世聖經要旨息世之學者家為異說而莫知辨正又國家之所謂政教禮法未嘗一出於經士君子既位於朝則不復用之而老師大儒蔑弃無用又自嘿嘿而無所駕說則是天下常無聖人之經矣昔者孟軻當戰國之時楊朱墨翟之言盈天下下聖人之道將絕如絨而軻獨以仁義之說開闢之而其道始明後世賴之以其功業不在禹下故其言曰楊墨之道不熄孔子之道不著吾欲放淫辭息邪說以承三聖之後韓愈亦曰釋老之害過於楊墨孟子不能救之於未亡之前韓愈乃欲拯之於已壞之後聖人賢士知天命之在已必以身負其道扶持之

不暇甚月用舍廢置或至於孤燈燭夜涕泗橫集其嘗三復其  
辭而悲之今天下民力凋弊比之祥符景德之際其創鉅矣獨  
前里役之蠹不減於舊自晚貲竭產而迫於刑戮者不可勝紀  
日前月廢失其本業一有水旱兵革之變則死士繼之廟堂之  
臣郡縣之吏未有一疾首蹙額思起而救之者亦誠何心以先  
生之賢豈無術以營補救完之不識如之何而使斯民不至此  
極也其雖愚不肖願聞其說今日之行非以為利萬一得與外  
廷之試可言民間疾苦則願以先生之說萬死以獻庶幾吾君  
吾相能用其術致斯民於祥符景德之際易於反手耳然則先  
生之經術得行乎耳其亦不得行乎耳其比有行期將有所請  
連陰雨雪人馬不前明日遂行悒悒為恨因風無悵教旨一

與王荊公介甫書

南豐先生

某頓首介甫足下比辱書以謂時時小有按察而謗議已紛然  
矣足下無恠其如此也夫我知得行其志而有為於世則必先

之以教化而待之以父然後乃可以為治此不易之道也蓋先之以教化則人不知其所以然而至於遷善而遠罪雖有不肖不能違也待之以父則人之功罪善惡之實自見雖有幽隱不能掩也故有漸磨陶冶之易而無按致操切之難有惇惇忠篤之純而無偏聽摘扶之苛已之用力也簡而人之從化也速雖有不從而俟之以刑者固少矣古之人有行此者必而後不得歸之其政已熄而人皆思而恨不得見之而豈至於謗且怨哉今為吏於此欲遵古人之治守不易之道先之以教化而待之以父誠有所不得為也以吾之無所歸而不得不有負冒於此則始汲汲乎於其厚者徐徐乎於其薄者亦庶乎其可也顧反不然不先之以教化而遽欲責善於人不特之以父而遽欲人之功罪善惡之必見故操切之法用而怨忿違背之情生偏聽摘扶之勢行而譖訐告訐之害集已之用力也愈煩而人之遷已也愈甚況今之士非有素厲之行而為吏者又非素擇之材



也一日猝然遂欲齊之以法豈非左右者之誤而不為無害也哉則謗怒之來誠有以召之也豈足下無懼其如此也雖然致此者豈有他哉思之不審而已矣願吾之職而急於奉法則志在於去惡務於達人言而廣聒聽以謂治者當如此故事至於已察曾不思夫志於去惡者侯之之道已盡矣則為惡者不得不去也務於達人言而廣聒聽者已之治亂得失則吾弗於此而觀之短長之私則吾無所任意於此也故曰思之不審而已矣足下於今最能取於人以為善而此間有相曉者足下豈不愛之必其理未有以奪足下之見也其此類作書既離南康相見尚遠故因書及此足下以為如何

與王深用論史書

劉編脩

某自古者為史皆據所聞見實錄事迹不少揀益有所避就也謂之傳信唯仲尼作春秋乃諱國惡耳夫春秋聖之所樂作以見一王之法不當引為文例然其諱國惡猶但使顯者隱之大

者微之率皆有文以起焉不昧昧都為藏匿使不可知也後之  
史官不達此意猥自託於聖人以為是為史未嘗直書上則頌時  
君忠諫退又斥惡言當此權勢夫人罪過敗之易之以就美好  
悅生者而背死人不顧是非故賢士大夫之事業有不記者焉  
僕不自料常欲矯此散是以竊作丞相蔡公傳網羅舊聞登  
緝異端亦可見凡例矣傳曰所見異辭所聞異言蔡公去蔡  
公數十年非見而聞也於其行事官爵進退不得如自觀三  
道之也左丘明世為魯史又親見時事其著賢大夫成敗率不  
過一再書太史公作張良傳稱非天下之所以存亡則不著知  
古人為史不必瑣瑣豪舉盛錄也蔡公事迹在人者多僕特取  
其大節數事左丘明司馬之志也今往一通足下以僕前意觀  
之當還示其可否焉太史公作帝紀世或傳武帝怨其刺己而  
言京帝之短遷以此坐死班固私作漢書幾不先誅言鑿鑿書  
所頭之敗垂為桓溫所殺為史之禍乃至於此所請太言以也

人之過者身然僕非敢如以自取直名欲正史法明春秋之  
指以趣聖人耳然此意未易為俗人道也足下為吾輩腹使知  
者知之不知者不知則吾幸矣某頓首

與韓持國論侍讀不合稱師書

同前

前者所議侍講坐在恐未通暢今再具說于左

一所以言侍講未為傳先王之道者凡九經非皆出於孔子師  
儒相傳年積月積嚙嚙不安者不可勝數雖前此通儒未有  
能通一者也然則九經可謂中有先王之道矣言九經是皆  
先王之道則非也又況讀誦章句不敢謬誤而所謂之傳乎  
孔子曰苟非其人道不虛行然則必待其人聰明淵博通  
聖人不滯於未學不流於章句而後可以言傳矣今之侍講  
說釋九經彼善於此則有之矣言傳先王之道則不可謂衆人  
也況可誇於天子之前乎傳道非爵位可及豈可一預此職  
而便据此名哉

三所以言侍讀不得為師者所謂師者師其道德者然道德  
非言不傳故孝於師者有問道有請益未嘗問不請而不  
而強貼者也今侍讀之於人主執經在側不待問而道之不  
待請而益之以列侍從之官其說耳尚何師禮之有不惟若  
是又更有說言公師資不問然必待其久心服然後師之今  
天子聖明於侍讀未可以為心服也豈可強屈人主以伸群  
臣之志乎易曰朋友講習所謂講習有非以先王之道相磨  
切乎在人臣則講習通於朋友於人主一經講習便望為師  
是豈上下之禮乎

三所以言非有司之失者凡朝廷本慶著有典藉有司不守則  
為有司之過假令朝廷向有令曰侍講師臣必坐而後語而  
今有司失之則可正之矣今則不然天禧之時侍臣皆坐侍  
講亦坐乾興之時侍臣皆立侍講亦立其後有事者立無事  
者坐講亦立亦坐皆失人主之言豈嘗為侍講特定禮而謂之

有司之失自數十年來講官尋不辨礼義而叨居其任乎  
特恐今之講官思慮不能無太過而建言希與殊礼望於太  
上欲必得之故推過有司耳

四今之議者將曰人目何嘗不坐於上前今過而使講官坐以  
示尊德樂道何害義論愚特以為不然凡禮之所貴貴止邪  
於未形朝廷之上几席之間逼近至尊坐一伏便是大事  
人主有命許之與人主不命請之便分逆順豈可苟作容悅  
而無義以處之也且故節莫大於逾分乱莫大於要君惡莫  
甚於阿私罪莫重於罔上今非師而求以師礼見侍是逾分  
也以尊德樂道之名脅持主上求必異已是要君也此二者  
講官之失若有司知其非義而以出於賢者不敢避之是阿  
私也強為之說而曲使相合是罔上也此二者有司之失輩  
侂舒所謂其實者皆以善為之而不知義被之虛言而不敢  
辨此之謂失不可不然也

與王介甫書

劉編脩

見所与曾公立書論青苗錢大意不意張院仲屋去聽訟吾猶人也必也使無訟乎聽訟而能判曲直豈不爲美然而聖人之意以無訟爲先者貴息事於未形也今百姓所以取青苗錢於官者豈其人富贍飽足樂輸有餘於公以爲名哉公私債負逼迫取於已無所有故稱貸出息以濟其急介甫爲政不能使民家給人足無稱貸之患而特開設稱貸之法以爲有益於民不亦可羞哉甚非聖人之意也自三代以來更歷秦漢治道駁雜代益澆薄其取於民者百頭千緒周公之書有之而今無者非實無之也推類而言名号不同而已矣若又取周公所言以爲未行而行之吾恐不但重複將有四五蓍莠者矣一部司札治財者過半其非治財者未聞建行一語獨此一端守之堅如金石將非識其小者近者歟今郡縣之吏以青苗錢爲賜最又青苗錢未足未得催二稅郡縣吏懼其黜免思自救解其

梓者猶能小為方略以強民其下者直以威力刑罰督迫之如此民安得不請安得不納而謂其顧而不可止者吾誰欺欺乎凡人目之然說於時君勸其恭儉小心所謂道也莫不逆耳難從及至勸其為利取財於民廣肆其意不待辭之畢而喜矣故我臣爭以言財利求用不復取遠古事豈在唐之時皇甫鎛裴延齡用此術致位公相雖然二者猶不免避其聚斂之名不如介甫直以周公至人為證上則使人主無疑下則使廷臣莫敢非若是乎周公之為禁踣嗃矢術揚接摺也商鞅為秦變法其後夷滅張湯為漢變法後亦自殺為法誦於人心未有保終吉者也且朝廷取青苗之息專為備百姓不足至其盈溢能以貸貧下賦役乎府庫既滿我且見其不復為民矣外之則尚武功開斥境土內之則廣游觀崇益宮室鄙語曰富不孝奢奢自至自然之勢也介甫一幸事其弊至此可無念哉可無念哉

尊堯集目錄不曾示人觀了密收之既出疏文則此書自不當  
已孤臣孽子操心慮東坊謂不得不然況非獨一己之心一身  
之患乎初以尊私史壓宗廟責當衡州而史蔡之門人語人曰  
日錄所載問荅之語自有先後先書余曰後書上曰安得謂之  
壓乎以此駭之彼豈不知壓宗廟為不可哉愚弄士人以圖厭  
私雖其門人多由之而不知也若使曉然知之豈敢曉然助其  
詆悖哉兄既白我其端不忍中默昨章疏言主衍之罪大於桀  
紂又引孫叔敖夏桀商紂不定國是之語以攻蔡轄彼皆轉易  
吾言包藏以待所賴聖主察知曲加保全故未至誅殛爾此身  
徇國本無畏死之心但死有輕重不可不處吾聒聒而不忍默  
者所以處其死也此身灰滅之後增愛不相涉之時萬一吾言  
獲伸兩詆平宥則吾聒聒不為無補不猶愈於黯黯就盡長貧  
詆誣之屈而了無事過之益乎然則死不足畏辭不可已身可  
殺也心不可屈吾弟太心於春秋當知兄垂絕之言為不得已



也情境相望恨不得相見每一念私史則蕩然不復顧計矣老  
兄愚不可移乃如是乎

與友人書

去閣先生

某再拜某至此一見足下鄙心油然而已有願交之心庶幾日親  
講學少進於道然同處一城中或十數日不相過雖言笑猶不  
接則道義之益無以望矣某嘗謂世之學者名為文章未始不  
欲立言者將以爲後世法也使其言中於義理則先聖人固已  
道之學者將習讀發明之不暇又何其私有其說而自欺也使  
其言不中於義理則雖中人且不屑取之況欲齒於先王之言  
而爲法於後世哉蓋道始于堯而脩于孔子孔子之後無以加  
矣可加非道也孟子之徒知義理無出於孔子故未嘗立言然  
而反復論辨不止者直欲終身尽心於孔子之道而已改其大  
則欲發明聖人之微意使吾道有所傳授而不可息其次則排  
斥異說以吾道爲之禦侮而不可勝唯有所傳授故道益行唯

之禦侮故道益明矣之學者有功夫道不及孟子之徒遠甚而  
立言乃欲過之余見其自絕於道也其往者輒不自量學為文  
章既而若有所教中道自悔視前所為殊可羞惡乃一切棄去  
又不自量將以鄙滯不明之質執殘編斷簡欲逆求聖人之意  
於數千百年之上其為力雖勤而不知其果有得之歟非歟然  
鄙心以為聖人雖亡而義理固在果知義理之所在則雖數百  
千生之上猶今日也辭諸觀水苟知性之趣下則雖江河淮瀆  
之別細大曲直之殊以此理求之無往而不得其性也其近以  
此說求論語因妄為之解不敢自異於先儒欲少發聖人之微  
意但精差得失自任不明首篇雖已具藁未敢自謂其然輒取  
質於左右苟不叛道願教示之庶幾得卒所學幸甚幸甚

與程正叔書

同前

其啓其嘗謂聖人智周万物亦予全未有知其心固知有不同  
矣然推孟子之言是正取純一無偽可謂聖人同乎前日所云

亦取諸此非謂無毫髮之異也此義其昔者既聞先生君子之言嘗反而求之若有所得參諸前言往行又無所不合蓋奉服膺不敢失墜似得其所安以是自信不疑切謂堯舜相授亦允執厥中則所謂中者無他此心而已此心即天地之心以其有知故謂之心至虛而無所偏倚故謂之中高明廣大無所不盡故謂之性變化不測故謂之神可以推而行之故謂之道可以得而有之故謂之德孔子絕四四者皆私意也一物存乎其中則與天地不相似亦與孟子異矣孟子云操則存舍則亡學問之道求其放心而已矣又云權然後知輕重度然後知長短物皆然心為甚絕四之外此心無所偏倚其至明至平其於權度之審又云盡其心者知其性知其性則知天矣天之神而此心無二惟有所不盡故與天地不相似易之寂然不動感而遂通天下之故皆此心之謂也此心所蔽莫非義理人心之所同然故中之所蔽無有不和也以人心之所同故朱來教云赤子之心

可謂之知其意之所請和者指已哉而言之今言赤子之心正  
論其未發之際故切請純一無偽可以言中若謂已發恐不可  
言心來卷二所謂橫流而行無往而非義理言雖無病殊少聖  
人氣味未及而思之方學其言第迫無沈浸醲郁之氣此則淺  
陋之罪亟不承教先生以已發為赤子之心其以未發為赤子  
之心若大本之實則其為先生之言未有異也但解赤子之心  
一知不同耳其切謂赤子之心必以取純一無偽可謂聖人同  
歐孟子言之更不必二曲折校其同異此所以取而為言固未  
嘗以已發為大本也先生凡言心者皆謂已發而言但未發而  
前心迷昭昭具在謂之無心可乎切謂心自有体已發者乃其  
用耳此事乃所深疑未喻又恐傳言者失指切望教示不宣

樂謝昌國論西銘書

白雲先生

道之大系在乎三子自三子之分上而為天下而為地中而為  
人請之八則長不盈數尺其猶蓋與天地均大也盡其有者已

聖人獨得其大者曰大人知有數尺之身而不知其他者曰小人是以人道之中上而為聖下下而為賊釋衿裳既同宗同氣雖尊德賊仁之徒踐形亦同蓋人無二道也聖則合德之大賢則秀異而出故曰聖人之於民亦類也特出乎其類者耳西銘言乾坤父母坤稱母子茲說焉乃泯然中處天地之塞吾其體天地之帥吾其性此皆以人道配天地而言也伊川謂理一分殊者如前所言自太極肇分人立乎中以三才之理論之無貴賤小大皆一所謂理一也其間貴者貴於人道之中賤者賤於人道之中耕者自耕治者自治此自人道別而言之各有其業所謂分殊也理一則無賤民分殊則有貴君縱志述事無忝匪懈人道始於事親自天子至于庶人皆一也生則盡其道死而後已也過此以往有不勝言西銘無與焉楊中立先生謂其言體一而不及於用同於墨氏兼愛此正與韓子言孔墨相為用之意同蓋以之而非者也愚民不知三才之理一而反謂分一於西

銘之義兩失之楊先生論西銘蓋初見伊川之時久則無是說矣先生西銘之論乃於中庸故當觀先生於中庸不當觀先生於論西銘之日也且自墨子以君臣並耕爲義是不知理一者在道分殊者在事而欲去君臣之分同並耕之事此亂天下也孟子闢之而後分始明後世分明之極至於殫竭天下財力爲宮室車服飲食聲伎以私一人奢侈之奉而政煩賦重民失其常皆不知恤又豈知同胞之民當均所愛哉此張子之論所以發所以救分殊之弊也伊川曰分殊之弊私勝而失仁正謂是也分立而推理一以止私勝之流仁之方也謂張子之言也然理一之道在君分殊之道在臣民文王之時无凍餒之民知理一也庶民攻之不日成之知分殊也理一則愛民故无秦皇漢武之事分殊則尊君故无墨子並耕之說墨子既不知理之一而謂分之一如此則民得以賤君矣後世分殊已極不待張子言此張子所以務明理也理一在君亦難尺言是以姚其辭

庶言之者无罪耳伊川先生託此銘以示門人使之知理明分  
去不仁之習以進乎大人之孝然後脩身齊家治國治天下之  
道可得而議矣

新刊 國朝一百家名賢文集卷第二百三

新刊 國朝一百家名賢文粹卷第一百四  
書

師友問答五

與程伯淳書

去閣先生

某啓昔在京嘗得走見今茲累年憂病居家久不治問每聞動止以慰瞻仰比日時寒伏惟奉親養德福祿寧止某自聞橫渠見誨始有不敢自棄之心乃知聖學雖微道在有德不能千里往見有愧昔人然求有餘師方懼不勉但執事伯仲與橫渠始倡此道世俗訛訛和者蓋寡雖自明之德上達不已而禮樂之文尚有未進學士大夫无所効法道將興歟不應如是之晦此有道者當任其責當得橫渠每語及此心實病之蓋欲一見執事共圖振起不識執事以爲然乎未獲侍坐敢祈自愛以道

與石司理書

浮休居士

司理下執近呂主簿過訪蒙示長函大編副以手書發而詳讀



其文來驟然可喜其趣尚了然是可畏喜者大凡人見悅目  
娛心之物固不喜及見其志趣特立不與流俗汎汎然者未  
異哉仍聞吾子方壯齒也苟有是心由是道雖隳孔子見之必  
曰可畏況今人乎又念往昔嘗及見先大夫於閔陝間今又見  
故人之有子少年自立則其喜又可知也然刺其礼有此事實  
味其言有如問能茲二者切有疑焉設以我爲貴乎茲繆矣如  
我之所居人莫不賤之匪特人爲之賤亦嘗以自賤也茲固不  
足多曉唯是問能求益深敢遽然聞命以求勿知攸濟嘗思之  
當少壯之時嘗爲世俗之學矣亦爲世俗之事矣苦形勞心至  
于今日曉得聖賢之書泰味先王長者之論乃知前日之用心  
者非也思欲改轍刻心變姓名入江海則齒脫髮禿形骸若是  
朝暮之人也用是自怡自咎自笑自罵繼之以涕淚悲泣而何  
及哉又念先言不離之訓苟呂君覆將及門何以報之方日用  
隕穫反覆于心無可奈何尚有一話可以爲下執事者又皆屬

人之事昔予為童子居鄉閭從學者是時眉山任師中在幕府  
常聽師中講道事業乃云吾蜀大人自往已來多藝文而少政  
事前輩登朝廷歷郡國有聞於人者為不少也求之吏事唯何  
聖從陳公弼二人而已小子不才敢出其後當時雖聞之師中  
且不知為何語也既年漸長遊京師求謁先達之門是時文忠  
歐陽公司馬溫公王荊公為學者所共趨之每聽諸公之論於  
行義文史為多唯歐陽公多談吏事既久之不免有請大凡李  
者之見先生莫不以道德文章為欲聞者今先生多教人以吏  
事所未聞也公曰不然吾子皆時才異日臨事當自知之大抵  
文學止於潤身政事可以及物吾昔貶官夷陵彼非人境也方  
壯年未厭學欲求史漢一觀公私充有也死以遺日因取架閣  
陳年公案反覆觀之見其枉曲乖錯不可勝數以死為有以枉  
為直違法徇情殘親害義先所不有且以夷陵荒遠褊小尚如  
此天下固可知也當時仰天誓心曰自爾遇事不敢忽也迨今

三十餘年出入中外忝塵三事以此自將今日以人望我必爲  
轉運致身以我自觀亮是當時一言之報也自得是語至今四  
紀未嘗一日去心是時蘇明允先生父子間亦在焉嘗聞此語  
其後子瞻與人講說亦必自任更能或問之乃曰我於歐陽公  
陳公弼處學來然師中子瞻亦自負之語耳近歲基謫居房陵  
得陳公弼修城記嘗以此事書其碑陰今又敢爲下執獻夫君  
子之道學也聞之有先後得之有淺深亦係其根性利鈍唯茲  
政能在勉之而已少加意則可以得之孔子曰居之无倦非若  
道學之難也吾子少年有立何所不至所謂先立乎其大者也  
茲事乃其緒餘耳偶因執筆不意三隅幸亡以著陋爲忽非唯  
左右之爲獻兼告之蘇在廷若兩蜀士君子

與常夷甫書

王深甫

回啓宿來尊體万福補之兄弟同朝議呈上切愛其引摭精博  
以謂礼意蓋當如此更請與賢郎致之果合否與甫謂天子諸

族當以在位爲世疑未可通解論語如有王者必世而後仁曰  
三十年爲一世則世之名本於父子而設此天理也如兄弟亦  
可爲世則在位或三年或五年於王者世而後仁之語善矣又  
傳稱天子諸侯之繼父子曰北兄弟曰兄蓋古人未嘗謂兄弟  
繼國爲世也聖人於万世皆正其名況人倫之最大天可以傳  
其名乎廟緣慈嘗而立慈嘗緣親而生親莫隆於父子設商之  
爲太甲盤庚有兄弟六人相及則當祀其考廟矣父爲天子子  
爲天子乃不得悉嘗其父則先王何爲而立廟也禮傳於千歲  
不同之論多矣吾徒所當推義以正其趣也如吾庚申尤不可  
讓俟面講

與潘邠老書一

稼軒先生

某類自累辱手記以退食職奉老人寢饋或至中夜得息故不  
果每作報太谷古石刻已奉許作但未得暇耳數事已喻駒父  
詩中多佳句甚嘆伏也晉王夏盟而子楚非所以爲長也然其

勢不得不予楚司馬候之言以告諸侯則有之矣文公之知趙  
衰不特盡察從往而不食也舉是以爲原大夫所以令羣大夫  
也晏子曰大者不踰關小者出入可也蓋君子斟酌世故以制  
行則如此非所以觀其私也若夫觀其私則德充大小忠信而  
已矣故君子有悔而先吝也西方之書論聖人之學以爲由初  
發心以至成道雖一直心無委曲相此取近之承由季共日以  
講李爲事其善其善多謝李共不果別作啓

與潘邠老書二

同前

某頓首辱以少儀見推一日之長雖荷傾倒之意不獲終詞頌  
德薄而道不明何以當此愧悚訪遠所疑尤愧叩之則溺也嘗  
謂求之藝賜之達由之勇師之莊皆聖人之一也由夫子觀之  
其人性李之蔽如此猶言伯夷之隘柳下惠之不恭孔子曰如  
有用我者吾其爲東周乎故陳常弒其君請討之耳非以敵國  
相征也孟子曰今以燕伐燕何爲勸之其可不疑也禹非飲食

惡衣服卑宮室堯舜之礼有所行周公誅管蔡薳之義不得不申也執一而廢百小道故大人弗爲故者順於物之迹也離乎性矣夫愛而哭之性也畏而哭之利也明於故然後可以知性故雖非往而可以求往也不避礙而鑿險阻以求必行此老氏以智爲賊者也妄意如此不審然否

與潘邠老書三

同前

某顏首得之則喜失之則悲是喜晝而悲夜也不能不晝夜天地尚然而況於人乎死生亦大矣而不得而之變況此壞其不勝其耦者乎凡所爲事耦琢磨至而借之以吾常而行動物變之中故也今遇小變不趨於蚊睫已焉焉集於宵次則行於爭名干戈之間及乎衆口風波之上其能止我以宰制万物使得其職耶邠老幸勲庶之京師三大節開市井蒲博之禁比三日而得喪大相懸有對而殺身者聞者未嘗不笑也由今舉子觀之豈不在可笑之域耶尊府所欲書未寫得可逕附遞至吉文間十

日中當必作大門石刻當附勒父及十幅佳矣若尚能少留今晚幸過我耀去俗士患失之塵而後行亦佳耳

與素太虛書

同前

某頓首并弁不毛之鄉以禦魑魅耳目昏聩舊季廢志直是黔中一老農耳足下何所取重而賜之書陳義甚高猶河漢而元煙皆非不肖之所敢承古之人不得躬行於高明之勢則必亨於寂寞之宅功名之途不能使乃夫舉手則言行之實必能與日月爭光卧雲軒中主人蓋以此傲俛一世耶先達有言老去自憐心尚在者若庭堅則枯木寒灰心亦不在矣况下富於春秋才有餘地使有力者能挽而致之通津恐不當但託之空言而已無緣承教以開固陋因來有所述作幸能寄惠園之餘尚須呻吟以慰衰疾謹勒手狀不宣

與王雱書

同前

某頓首辱書勤勤惓惓多病懶書恐不足副所以來故又不能

作客往往暫見眉宇孰觀所惠書詞意深厚蓋足下天資高明又居賢父兄珠玉之潤宜其清潤光輝不資於人而自熾矣而求學問道之意常若不足古之季大成者蓋如此顧不肖無以培益左右乃一耳即日盛暑伏惟侍奉方福未緣會集頗思雅集談笑惟強李自重

與王觀復書

豫章先生

庭堅頓首啓蒲元禮來辱書動懇千方知在官雖勞勩無日不勤翰墨何慰如之即日初夏便有暑氣不審起居何如所送新詩皆興寄高遠但語生硬不諧律呂或詞氣不逮初造意時此病亦只是讀書未精博耳長袖善舞多錢善賈不虛語也南陽劉勰嘗論文章之難云意難空而易奇文尙實而難工此語亦是沈謝輩爲儒林宗主時好作奇語故後生立論如此好你可語自是文章病但當以理爲主理得而辭順文章自然出群故聖觀杜子美到夔州後詩韓退之自潮州還朝後文章皆不煩



繩削而自合矣往年嘗請問東坡先生作文章之法東坡云但熟讀檀弓檀弓當得之既而取檀弓二篇讀數百遍然後知後世作文章不及古人之病如觀日月也文章蓋自建安以來好作奇語故其氣象衰其病至今猶在唯陳伯玉韓退之李習之近世歐陽永叔王介甫蘇子瞻秦少游乃無此病耳公所論杜子美詩亦未極其趣試更深思之若入蜀下峽年月則詩中自可見其曰九嶺巴巽火三盤楚祠雷則往來兩川九年在夔府可三年知也恐更須改定乃可入石適多病少安之餘賓客妄謂不肖有東歸之期日日到門疲於應接蒲元札來告行草草具此世俗寒溫札數非公所望於不肖者故皆略之三月二十四日

庭堅頓首辱書動懇千方委之以九鼎之重顧庭羸不能勝也所寄詩多佳句猶恨雕瑋功多耳但熟觀杜子美到夔州後古律詩使得句法簡易而大巧出焉平淡而山高水深似欲不可

企及文章成就更無斧鑿痕乃爲佳作耳報靜翁鄉行之美甚  
副此意所問勸靜翁求師取友而不以教觀復者蓋觀復知此  
有餘耳如公才識禪家所謂朝生王丁者也但要琢磨尽圭角  
耳任象李渭不知何時人此二賢者使得師友皆不易得也所  
寄唐人諸詩皆有佳處甚慰觀覽也魚使君所欲作記極不敢  
辭以既往青神見家姑欲行人事賓客會集哀哀過日愈不暇  
留來人多日竟未能成吏彥直既到官渠當數有入還眉州今  
自此來取信甚易致也茶詞及爲東坡與不肖所作十韻皆欲  
奉公帛未成但未知他日寄達所在耳策問十篇思深慮遠佳  
作也亦恨雕文勝耳不肖在巴峽間所得人有李仔任道本梓  
人而寓江津二十餘年其言行有物參道得其要老成人也  
有王庠周彥萊州人行已有耻不妄取與其外家連戚圭向氏  
屢嘗得官固辭以與弟或及族人作詩文雖未成就要爲規  
模宏遠此君又東坡之兄壻也故亦有淵源耳有趙頴子智者

蔡人作文皆道實事要爲有用之言然觀其作人未可知也蔡相次律張溥寬夫自不肖到我州朝夕相親近然次律事事優於寬夫他日或可望爲中州名士也有廖鐸宣叔者嘗東學京師才性明利甚不在下下來相師用之意甚篤然憂其質不甚美韓退之所謂精潔輩雖屢相教不知果能不畔去否庭堅既以江漲不能下峽則欲至青神兄老家姑以是人事賓客猥至今日方能作書遣來人作書又草草千方照悉公至吏部改官且還營丘平內書示諭

庭堅頓首公使行在幾時此別不足恨中原亭驛如流雖南北可數書不此劍外八幷柯夜郎之洪荒無詔也前卒還附書謝何靜翁不草草而靜翁乃去不得不肖書誠爲根究恐小人輒以貨取之耳今年戎州荔子歲登一種荔枝頭出於過臘正大如雞卵味極美每斤才八錢日飲此品凡一月此不虛來

退公不同此味又念公無罪耳一笑一笑

與割器之書

龜山先生

向承垂示許丞易義其用意精深自成一派之學伏讀之文開  
發多矣然鄙意猶有疑者復執義曰怒惡之使也東方之情也  
元善之長也東方之德也善惡之分吉凶始焉中庸曰喜怒哀  
樂之未發謂之中發而皆中節謂之和四者一本于中則怒不  
可獨謂惡之使也怒而中節是謂達道而遂以元怒為善惡之  
分亦恐未可也又曰文王一怒而安天下之民武王亦一怒而  
安天下之民所謂出怒不怒蓋以救世非修身之道也修身則  
致虛守靜不可以動動則有怒有過與仁違矣某以謂誠者合  
內外之道成己乃所以成物也謂不可以修身而可以救世恐  
無是理修身不可與仁違若天下獨可與仁違乎顏子不遷怒  
非无怒也不遷而已是謂中節此顏子所以脩身也而孟子以  
禹稷之事與之易地則皆然蓋救世修身本無二道故也故大  
學論治天下國家必始於正心誠意孟子則曰天下之本在國

國之本在家家之本在身皆是意也夫物我異觀不能通天下  
為一正今日學者之失此弊尤當救之不可長也又曰孟子四  
十不動心顏子之年未至也是以不動心與顏子也又曰顏子  
復禮以存心故其靜也仁是以仁而之也公孫丑不動心孟子  
曰是不難告子先我不動心孔子曰若垂而仁則吾豈敢夫仁  
孔子不敢居不動心告子之所易以孔子不敢居者為之而不  
而告子之所易者是以不倫也又曰孟子之言不動心也曰我  
知言我善養吾浩然之氣此方以不動變動者也不動則專氣  
致柔復以自知而已動則養氣以為焉知言以為途也孟子論  
知言養氣乃不動心之道所以異告子者其非專為波動也又  
曰顏子之所養夜氣也孟子之所養旦氣也夜氣不存則於旦  
氣乎何有且晝之所為有以格亡之則夜氣亦不存矣但深改  
孟子之言則其義可見其所養不須離而為二也古之好學者  
必就有道而正焉其不敢自謂好學者至於就有道而正焉此心

不敢忘也故輒布所聞取正於左右如未中理願詳見教

與李端叔書

周待制

某自遊京師去老母側四經炎涼又困翼屨尋轡轡不樂車馬  
聲色无所挂意又貧不能自給思欲旋舟而返輪公迹而行順  
陸而趨自淮阻漸觀風物之變更問里社之盛衰入門而解裝  
降堦而拜親雪涕而升堂捧觴而為壽屢談而屢不果中夜起  
歎仰視雲漢身欲憑扶輪而上神欲騰赤霄而游誰能與人競  
得失爭是非噉噉於膏火之中耶故每得才富爭贈神清氣遠  
之君子與之促膝而談交臂而行恍乎不知日入乎虞淵而月  
潮乎漣石也其不知者不謂之好異則謂之不肖去耳今年至  
太學聞山陽李端叔志雖小官不肯蹈俗吏所為清才逸韻可  
揖以樂飢可親以磨鈍譚者百士反而未止於是瞋目而心壽  
之思其為人也當如喬松脩竹幽姿自言而勁節難犯其出言  
論譚當如漱石之泉挹林之風爽氣立疑不為鄭衛清角激楚

以媚。但耳屢欲見而未能也。前日持謁以叩閭吏。適不邂逅。攝衣以往。抱歎而歸。又嘗聞謗者言。端叔以不腆為可語。數置之齒牙間。亦欲見而未能也。前日持謁以叩閭吏。謂重陰作而垣壁潤。蠶蛭然而商絃絕。氣同而類偶。雖天壤異機而呼吸應。至理有相動相感。雖遠而近。雖離而合也。嘗試使秦青韓娥於西達之衢。垂簾正衽。慢聲而長歌。行者為止。譁也為默。其心載悲者。則撫膺感。是頓嗚呼。歎嘆淅淅。墮而不禁。其心載樂者。則抵掌顧首。譽佳。讚美。笑謔而不止。悲樂不同。而知秦青韓娥之歌。則一也。而韓娥秦青亦喜其藝。不虛逞而事不徒作也。不然。則環坐以聽。視其態度。聆其抑揚。以為戲事。无所于其悲樂。曲未及終。馬鼓而車行。若未嘗聽歌。無復狼顧耳。今以絕世之歌為戲事者。往往皆是也。昔季子觀樂於周。而知風俗之治。孔子期聽琴於伯牙之門。知其意在於殺。然則得人言者。頭不及此。歎笑必交首。眩語指天日。而喻心。嗟然後為相知。耶。端叔蓋亦因此知。

不肖矣其先狀誠願持刃挺以撞鍾垂尺綆以測海鍾雖不鉤  
當有拂焉海雖不至當有濡焉較其所得不猶愈乎擊瓦缶而  
雷鳴採汚澤而見底乎又將駭驚駘之足以隨騷暴鼓脩綴之  
翼以追鵠鵠庶幾龍驤龍逝百舍而一止雲栖霧翔十仞而一  
下聞其長嘯睹其羽儀豈不壯哉豈不壯哉奮筆而成聊以擴  
意非所以為文也投黔黜之技以信可否

與少游書

後山居士

師道啓辱書喻以章公降屈年德以礼見招不佞何以得此豈  
侯嘗欺之耶公卿不下士尚矣乃特見於今而親於其身幸孰  
大焉愚雖不足以齒士猶當從侯之後順下風以成公之名然  
先王之制士不傳贊爲臣則不見於王公夫相見所以成禮而  
其弊必至於自鬻鬻故先王謹其始以爲之防而爲士者世守焉  
其於公前有貴賤之嫌後无平生之舊公雖可見禮可去乎且  
公之見招豈以能守區區之禮乎若昧冒法義聞命走門則失



其所以見招公又何取乎雖然有一於此幸公之他日成功謝事幅巾東歸其當御款段乘下澤候公於上東門外尚未晚也拳拳之懷願因侯以聞焉其拜拜

與霍明父書

馬學士存

予讀書至盤庚三篇周公之誥如在宗廟武庫之中觀古器物茫然不知識如登太行之崎嶇劍閣之道羊腸九折之險一步一止而九歎息如夷狄蠻貊窮荒方里之人聽華人之音累數十譯僅乃通未嘗不廢書而歎曰古先聖人欺予哉後世之縉紳先生老於文字者攷釋訓詁黝沒精神歷數十年至於白首沒齒有不能知之當時之人號召告令於一日之間何自而知也切意三代之民家家業儒人人有士君子之識所謂道德仁義之意性命之說典誥之語一聞見而尽識之非上之人好為聲牙強囁難入之言以驚拂之也蓋其所習者素曉也南海霍公好古文日夜誦習其下筆力有語梗而意切讀之有不能成

句者以是連不得志於有司同進士之時或疑在頗自悔欲為  
新麗軟熟之句以易葉而見謀於子子白子必勉之矣三代之  
文章民之所知也後世之學者有所不知也當時以為常言相  
誥語也後世之注釋者不能意也是後世之學者不如三代之  
民也非子之恥也孝者之恥也子必勉之

與劉永議論兵勢書

王臺王公

恭議待制閣下賞愚不能量天下事勢貴者三國鼎分吳蜀之  
兵不能當全魏亦明矣非其無賢智之士為之謀勇敢之將制  
其兵然而不敵者形不便勢不利也自晉室南遷天下離而為  
南北宋武一時之雄與長江之兵長驅入秦兵不勞而關中定  
然亦不能守也至隋文滅陳天下始合而為一故杜牧論天下  
兵謂不得山東兵不可去隋文非宋武敵也宋不得山東隋得  
山東故隋為王宋為霸由此觀之天下之大勢可知矣然而吳  
蜀之地更數姓累數世而後能為天下為一者亦以其地險阻

可恃僅能為國而已今者山東之地悉為虜區而大河之南長  
江之北寇盜殘暴千里无煙天下之所恃者獨有關中耳請言  
關中之勢左穀函右隴蜀南有巴漢之饒北有朔方之勁騎踐  
華為城因河為池阻三面而守獨以一面東制天下沃野千里  
自古謂之天府今則不然穀函河華之固敵已据之而朔方之  
勁騎乃吾腹心之疾所謂沃野千里如京兆鳳翔皆傷殘之餘  
民不得耕者累年于茲矣上之不及素強之秦次之不及新造  
之漢秦自孝公以來戰勝攻取始皇因之遂亡諸侯積威約之  
漸故也劉項相距滎陽成臯間關中無事蕭何時出兵灌粟會  
上之絕遂滅項籍二者皆非今日比也天下之所恃者獨有關  
中而關中之勢今復如此然則奈何古之善用兵者必審知彼  
已而定其攻守之計使敵有可乘之機亦須吾有必勝之畧吾  
兵強而敵弱則利於攻吾兵弱而敵強則利於守所謂守者非  
恃也以守為攻以緩為速耳天下固有計策同而成敗異者死

卷一百一十五  
趙魏句踐曰天子不取反受其咎而鄭園審配文以勸張魯以  
紹之師徒精勇將士思奮且及今時早定大業而必敗於官渡  
田豐欲以久持之而紹不用欲攻而不知守欲速而不知緩用  
計之失未有如紹者也趙充國之策先零守使宣不出師務以恩  
信招降李必勸肅宗先救速宜先事而陽其言若不悅人意然  
而宣帝用充國計卒滅先零无西羌憂肅宗不從以謀雖得兩  
京吏思明再亂終唐之世不能有況其攻守緩速之勢不可不  
審也如此關中之勢雖不如漢時然亦可因其資持重自守外  
收英雄內修農戰敵雖有釁亦勿先動俟吾將良卒銳衆怒氣  
飽然後起而乘其弊不及三年可以得志古者將在軍君命有  
所不受區區之小功不足以易吾之大計若釋朝勝之策而決  
成敗於一戰非計之善也伏惟閣下才器之宏博智略之明敏  
出佐宣撫軍事真一時之選而幕中之奇也多矣狄獫狁毒流  
中原主上越在海徼汴都之祀無可傷心志士憤慨中原之功

天下屬望惟宣撫相公當閣下其人也今天下之大勢賞已略  
陳於前而關中之勢特久為上賞一個賤士卧苦埋中近者不  
自知其愚輒援范文正公例居喪上書陳宣撫相公兵事三策  
雖皆言戰而其大意則務万全圖久安无望於速成无貪於小  
利使功成而无後害今復以戰守策獻于閣下賞賁之孰矣伏  
惟少留意而念為天下幸甚

新刊 國朝二百家名賢文粹卷第二百五

四十五

文粹卷第二百五

新刊 國朝二百家名賢文粹卷第二百五

書

師友問答六

荅胡旦書

秀手即先輩人來得書切知寧適慰悅之外感極深賴  
招俾為文會良期美信莫尚於茲甚善其書余念自出蜀  
鎬間今已六稔再遷家兩隅權停貢舉羣旅中支離契闊幽憂  
然幸大文夫壯節殆亦銷燦今吾子書中怜余家貧接寡又仕  
闕輔大知我者也古人所重者交結翼道佑德激切舊故何莫  
由斯故呂布素遂為奔走之交晉文介推為急難之友垂在信  
史有志者冀之余每自惟无英才大略以為慷慨事文无喜如薛  
優幸以為君子儒而吾子過聽之名相厚之甚也往年得價制  
之書前歲偶渭北之會今春得英門之信適足見惠然相顧之  
情也易不云乎君子定其交而後求語不云乎君子以文會友

百樂府有結客少年場今三者君皆兼之恭佩微音敢不勉信  
與陳以爲纂承之職也古人云易失者時難得者知音余嘗見  
高祖以英武取天下而文帝以道德化海內措刑不用幾四十  
年于時最稱俊宇而年少者有賈誼觀其所上書真卿相材也  
然當宣室受釐之際思鬼神事詔誼問之不竟膝之前肅然終  
不能用惜哉迨至有唐貞元長慶間儒雅大倫洋洋乎可以  
兼周漢也帝王好文士君子以名節文藻相樂於升平之世斯  
實矣地會通之運也自數百載罕遇盛事大錫而君偶斯時焉  
自呂狀元蒙正得第之後有御製詩以賜之聞兩制中得而上  
倡和者僅世祖以外戚傳賜寶融以河渠書賜王景唐太宗玄  
宗與侍從臣以文賦相醺酢今復覩之況吾子負倜儻之氣懷  
磊落之材將來振海內之名鼓天下之動廣視闊步於場屋飛  
聲走響於公庭高擢榮名若坐會稽臨滄海投壻于二而釣取  
巨鼈也孰不偉之然錫自君書三復闕釋其間有三將來者

公有宋李趙三才子也君欲以文彩聲稱與之相較雖亦猶有  
庭震澤橫負千里吞納江漢雖飛濤駭浪浮天沃日得不委之  
壯哉真場籍中燕魏豪傑也君既不以余鄙陋淺近許而爲交  
游若使各言其志則余嘗聞孟軻稱仲丑曰德之流行遠於邇  
邇而傳命也又曰至仁无敵礼稱顔子得一善必拳拳伏膺易  
曰德不孤必有鄰設使至執如至仁自然无敵德苟脩而衆善  
必爲已鄰名載德而行故君子金玉其名稱礪其行行茂而名  
榮人莫得而勝之也又何必肝膽楚越而使人莫已勝也昔郭  
代公在國李家寄三百万錢適至爲急難者告之傾裝以贈代  
公器局之名從而得之又王起知舉命曰敏中疎賀拔甚心而欲  
以狀元待之白敏中曰一第何門不致奈何輕我至交斯則交  
友之情從而見矣器局之名留師範代公而求之交友之情當  
企慕自敏中而脩之則何適而不爲君子也吾子勉之暮春之  
月必獲金鷄會提取非晚欣慙豫深謹書書感謝幸賜詳察不



宣宗北田錫再拜

荅臧內第二書

河東先生

吾子遺我之書辭意皆是也然我謙謙不敢遺讓于吾子者以我之所守非已之私者也乃先聖人之所公傳者也故我得直其誠而不謝于吾子耳吾子言既止于古亦止于古矣止于古者是爲公也得其公而豈以私責於我乎友觀吾子之書而嗟吾子之意使我昭然弗惑於中也誠爲君子哉吾子能得此道而行則寸而日進之安而時馳之將見吾子望我之門而入矣入我之門則及乎聖人之堂窺乎聖人之室家是謂吾子達者也達于此者固爲難矣吾子勤而謹重之我之今日能至于是者始由吾子之道而來吾子能如是也我得以一一而言之耳嗚呼聖人之道傳之以有時矣三代已前我得而知之三代已後我得而言之在乎堯舜禹湯文武周公孔子也執而行之用化天下固吾子與我皆知之耳不足復煩于辭也昔先師夫

子大聖人也過于堯舜文武周公軍周之德將衰古之道將  
天之至仁也愛其民不堪弊廢孔亂樂如禽獸何生吾先師出  
于下也付其德而不付其位亦天之意歟有由乎付其德者以  
廣流萬世不付其位者息拘于一時堯舜禹湯文武周公皆得  
其位者也功德雖被于當時至平今則有闕焉是謂以政行之  
者不遠矣先師夫子獨有其德也不任于當時之政功德被乎  
今日之民是謂以書存之者能久矣先師夫子之書吾子皆常  
得而觀之耳厥後浸微楊墨交亂聖人之道將復墜矣天之至  
仁也婉而必順不可再生其人若先師夫子耳將使後人知其  
德有尊卑道有次序故孟軻氏出而佐之辟而闢之聖人之道  
復存焉孟軻氏之書吾子又嘗得而觀之耳孟軻氏沒聖人之  
道火于秦黃老于漢天知其是也再生楊雄氏以正之聖人之  
道復明焉楊雄氏之書吾子又嘗得而觀之耳楊雄氏沒佛于  
魏隋之間訛亂紛紛用相為教上扇其風以流于下下承其化

以毒于上上下下相蔽民若夷狄聖人之道固然告逝元能待之者天憤其烈正不勝邪重生王通氏以明之而不耀于天下也出百餘年俾韓愈氏驟登其區廣開以詞聖人之道復大于唐爲王通氏之書吾子又嘗得而觀之耳韓愈氏之書吾子亦嘗得而觀之耳夫數子之書皆明先師夫子之道者也豈徒虛言哉自韓愈氏沒無人爲今我所以成章者亦將紹復先師夫子之道也未知天使我之出耶是我竊其器以居耶若竊其器以居則我何德而及於是者哉吾子之言良謂我得聖人之道也則往之數子者皆可及之耳求將友之則我忍從今之述作者乎今之述作者不足以觀乎聖人之道也故我之書吾子亦嘗得而觀耳吾子能以此期于我我豈敢輕言報之哉

荅臧丙第二書

河東先生

吾子再遺於我之書觀之堪三復而歎嗚呼聖人之道果在求我矣吾自累獲魏從我者三人而已請其教而尊于我則世之數

子依吾明而是居未若吾子之好我也屈己之道勝己之辭  
而廣之使我誠之非其賢而有文義而有勇則爲足以言微之  
哉增之以既高補之以不足雖古人亦難於是吾子之言誠爲  
多也獨能千古者則吾子取之于六經六經之辯其文兼其政  
遂其用簡于人其功決于時吾子得之而不以爲己之善取而  
讓于人讓不在人必在于道吾子之言于我也果在于道矣讓  
其辭而取其道我足以勝其吾子之取乎吾子取之于六經誠  
是也辭之於我誠將報其可而已矣文取于古則實而有華文  
取于今則華而无實實有其華則曰經緯人之文也政在其中  
矣華而无實則非經緯人之文也政亡其中矣政亡其中則理  
世不足以觀之也六經之文各有其政得而行之者鮮矣未有  
不得而行之者也吾子之於文得而行之者有時矣吾子今取于  
我也非不知吾子之得也將責吾實之可行也不可行也故知吾  
子之好我也在于道哉吾自得于吾子道弥光矣文之異于古

我心之父子是捨其辭而不足復其說也吾子其曰子慎而重  
之使我尊于古也敬而脩之使我軍于道也勤而行之使我力  
於教也謙而行之使我備于德也異而言之使我危于辭也矜  
伐于今之文則出爲我之罪人矜伐于古之道則我爲世之化  
主之言也謗取于小人不取于君子若取于君子者則吾子之  
言也不得謂我爲古矣吾子遺我之書蒸蒸然如言之不能及  
蓋憂於道也世何得于斯人哉我何得于斯言哉嗚呼我不復  
憂其文之困于時也將困于時則我有吾子在矣若吾子不在  
於此則我之文尚道也豈能昭明于先師夫子乎吾是以告子  
吾子子不憚言數也時有聞于我則道有幸矣豈獨我身之  
是爲利也

世宗內第三書

河東先生

孰謂吾子不仁吾不信也順于言而強于道全于力而全于人  
尊我之誠能及于此誠之尊我若是也則三有其說始言於子

曰子達于古文矣外諸聖人之堂將入乎室也再言子曰子  
之文克肖于古聖人之文也無以矜伐取謗則尚先師夫子之  
文並而顯之亦不廢矣又言子子曰子為宋之夫子矣如是也  
數斯深矣言也小漸于大是曰其順言也義止于古是曰其強  
道也晦用于明是曰其全力也誠推于賢是曰其公人也如謂  
吾子之不仁是吾不能也予不材德无尽在於此苟虛其已而  
授其言則使二三子鳴其鼓而攻之于我我豈能遠其二三子  
也若其吾子之言有可疑也則我將復之而已我之言曰聖人  
之道果在于我矣吾子惑之曰聖人之道其果在乎其果不在  
乎夫聖人之道其果不在于我也則我之迷作也何不取于今  
而反取于古也專於政理之文是我獨得於世而行之聖人之  
道不謀于已曲乎其志從乎其眾是能及此得不謂果在於我  
矣又若夫有孝聖人之道者孰曰聖人之道不在於我也曰果  
在於我也夫聖人之道文而知之者不得為之為果也生而知

之者即得諱之為果也。孝而知之者皆從于師以得之也。得之不能脩耳。我之所得不從于師以得之也。得之不能脩耳。我之所得不從于師不自于孝生而好古長而勤道。況今之人溺于華侈奔於利勢。能求于身能忘于道。我若從其師以孝之則隨而亦化之矣。若孝之曰果也。似有薄于道哉。今之孝者依于聖人之道。卒能周而達焉。若孝之不在聖人之道。則不謂之為孝也。能孝于古聖人之道。則是聖人之道在于今之孝者之道也。我不自于孝而能之。是言曰果也。故我之自言得于聖人之道也。不曰從孝而來也。我若孝而得之不自曰果也。又若孔子者周之大聖人也。生而不自知為聖人也。夫孔子非不自知為大聖人也。若不自知為大聖人也。則又何言也。文王既沒。文不在茲。正鳳鳥不至。河不出圖。吾已矣夫。夫孔子豈以自知為聖人也。即尚當時之人爭一國之位。苟存乎養而已。教非不治于世也。當諸侯用伯明德弗宣。是見阨於衰季也。夫苟與其時孔子

豈止位及于一國乎教治于一世乎將使堯舜之垂衣裳也若其執御耳夫刪詩書定禮樂贊易道修春秋孔子知其道之不行也故存其教之在其中乃聖人之事業也後之享者著一文撰一書皆失其正務尚于辭未能知其聖人述作之意又安可出于詩書禮樂大易春秋之外欲用其文而行其教也固然矣聖人之道豈以復能刪定贊修於詩書禮樂大易春秋即曰果在于我也但思行其教而已矣其為教也曰道德仁義禮樂刑政得其時則執而行之化于天下不得其時則務在昭明于聖人之德音與存其書使不墮墜何必刪定贊修乎況經聖人之手者文无不脩矣文苟不脩則不得為聖人之法也何足為聖人乎夫我言聖人之道果在於我也即不在刪定贊修也在于此也吾子言及於是也亦失于辭之執耳若吾子以我為宋之夫子也亦在此矣天下之知我能如此也亦若吾子之謂我矣又何誣于子也誣于天下也况聖人之道不可誣于人也苟可



誣于人也則三尺童子坐于僑宮端弁以處帥其民以師其之  
曰聖人之道在于斯人也如是誣之可信邪不可信邪孟軻得  
聖人之道豈在復能刪定贊修於六經也揚雄得聖人之道豈  
在復能刪定贊修于六經也聖人之道孔子刪定贊修之天生  
德于孔子不可借也孟軻揚韓厥或緒告微或厥文告晦則持  
而明之開而闢之從于孔子之後各率其辭各成其書以佐於  
六經是曰得聖人之道也得之也三子不在于孝况聖人之道  
不可孝也得之者是曰果也我切自比于三子之行事言之為  
聖人之道果在于我也亦不為過矣亦不在于刪定贊修矣又  
若讓六經于仁人不讓于不仁吾子之言誠是也我雖巧飾其  
辭而能拒之哉吾子能讓于我雖非其至仁亦无辱其吾子之  
讓也讓之者不易納之者亦難讓失于讓則為不知人納失于  
納則為不度色能知于人能度于己是曰君子也是曰智者也  
吾子讓之于我不失也我納之于吾子亦不失也又若矜伐而

取謗則敬授命矣敢不承教然其間有疑者辭可已哉若謗之  
取也元擇于君子小人則君子之與小人道同是也又何辨其  
等倫哉若君子觀我之文謗將何取若小人觀我之文謂我矜  
伐于今之文也將以文矜伐于古之道也矜伐于古之道也則  
務將教化于民君子誠之小人歸之則謗之爲漸也何由而起  
哉若以文矜伐于今之文也則不在乎古之文也在于今之所  
尚者之文也輕淫侈靡張皇虛詐苟從時欲求順已利是可取  
謗于人也況我之文不在此元求利无從欲則小人觀之何  
得謂我矜伐于今之文哉謗不可因而生也若其君子之與小  
人俱不可取也固爲然耳復何談哉若以堯舜之理則君子之  
與小人俱被其德不能與謗則謗從何而來矣桀紂之代則君  
子之與小人俱蒙其惡是能與謗則謗有自而作矣夫被堯舜  
之德也先君子而後小人若獨有于君子而无小人則不得謂  
之爲全德也何足爲與乎桀紂之惡也亦先君子而後小人

若獨有千君子而无一小人則不得謂之為全惡也何足為亡  
乎君子既被其德况于小人乎君子既蒙其惠亦沉于小人乎  
若以我文之比于君天下者則有間然矣夫君天下者善惡兼  
于當世存亡係于一時唯文之為道觀其時而行之觀其時而  
藏之時之能行即見用當世時之不行即將行後代則又安得  
與堯舜桀紂較其善倫哉孔子之于周也未聞當其時而能用  
之見阨于世見毀于人吾子固亦知之耳若其畏君子而小  
人衆也則是君子之道窮而小人之道勝也知此則君子之不  
及小人也明矣况万无此豈君子不能成其譽而小人獨能流  
其謗哉若苟有是則君子反為小人之末耳我之言曰謗取于  
小人者蓋謂時不能之也不取乎君子者謂知其道之有其屈  
伸也矧我之能无其可謗于小人哉時如不能行之即不在于  
天下小人之謗亦不行矣時如能行之亦不在二三君子之譽  
亦為行矣君子亦不能譽小人亦不能謗用与捨屬諸時譽與

謗屬諸命聖人之達節也吾子來告於我慮于謗憂于道我國  
前言授之耳亦不敢飾虛辭以拒其教也若吾子緘其口而默  
其言又何輕弃于聖人之道哉辭之可復我故以荅將請勉謗  
而取謗也則深為失耳我苟不知吾子之道賢于我是也則謂勉  
而取謗也我實小人也我之以前書吾子再宜思之恩之如有可  
復將俟于後命耳吾子之戒于我我豈又違其命也重以辭報  
義勿能止非吾子德廣淵深則不足如是也前人之所謂三有  
其說于我也敬從其言而慎愛之於乎終日誦道非不專專于  
力也是非得失能取乎其間者而今而後益有望于吾子矣不  
敢虛也不敢誣也

荅友生問文書

張忠定公

茂才定下嘗聞交不本勢利真丈夫之交談不乱得喪真君子  
之談通謫乎是吾友其人矣切嘗接武亦既宴語信其言有格  
而意有斷直乎今而凋乎古復肯加顧博我以文長牋三編通

爲友贊觀乎其文健若史萬人之敵其理切特不懲勸之旨方  
謂登崑丘者高華難爲山瞰鰲海者江河拙於水又焉異志責  
時文之理於彼人斯於職文者儒之職言者文之端予誠儒矣  
得不吐露狂斐以斥已之進退歟嘗試論之曰天地闢聖人作  
大朴散禮義興謂乎五常所以佐天地之功謂乎六籍所以授  
天地之塞萬古而下其誰異諸故君臣父子非文言无以定其  
分朝會揖讓非文言无以格其休政以正之非文言无以道其  
止樂以和之非文言无以節其變成迹於行事播於文章噫聖  
人之道我也有旨哉故鼎有銘而樂有詩禮有誄而書有誥紛  
綸衆制六籍悉備焉周漢已降代不乏賢視文之否職見德之  
高下若以偶語之作參古正之弊弊得異而道不可異也故謂  
好古以戾非文也好今以蕩非文也出乎是者予焉及知生之  
文理雄富談議正直允所謂文夫君子欤如予顧蒙何勝言誘  
丁丁友戲寧緩報應即不知謂前言之如何方全明天子在

子將出仕更賴正人多所訓導聊具報復之意不能悉其白

荅朱巖書

富春先生

足下累日前損書叙往哲之作斤近文之弊弊析當否詞理昭晰真立言之徒也而又不遺无取猥問其所以然何卑詞下札之甚耶環顧淺陋固不足以辨析是非然盛意不可以虛拘故聊述其梗槩文之繁久矣源於離騷冰於子虛上林汗漫於晉魏懷襄於齊梁已降今之世尤甚焉何則師道喪而詞人衆也師道喪則簡易之理亡詞人衆則朋黨之書起故往往激昂自負曰我工於手筆薄于小文而不為騰口相和以成其名迫索而觀之則支離重複孟浪荒唐之詞无所不有古非古律非律既不能刊正經史之誤復不能明白仁義之奧但披說蔓語駢章贅句長其編大其軸以多爲貴耳斯實蠹教賊文之巨者也何嘗切憤其事欲抗疏於丹陛致書於春司大爲之防戾制其弊退念逼類波正流俗蓋有位君子之急也非草布之士所耳

言有志行古者但當全其道於已講書於朋友間俟其達則施  
於人而薦於君未幾足下言果及此甚而鄙心合但是非依違  
之說而何所蓄相異耳夫古聖賢光照後世邈不可攀者非他  
蓋始於信道篤而自知明不顧時之毀譽然後能成一家之書  
以左右大教未有而俗上下而能奮乎百代不腐其名者法言  
曰群言亂則折諸聖又曰大人之孝爲道小人之孝爲利也  
兄下師孔宗孟交荀友楊尤病今文之冗長必欲祛煩爲簡使  
聖朝言先枝葉章卓立而詞振起斯誠有志執聖訓以救群言  
之亂者也既固其道則終身行事當一斷之於聖人毀譽榮辱  
必求諸道道苟在焉則毀斯譽辱斯榮矣道苟未至則譽斯毀  
榮斯辱矣又安可以毀譽所尚而疑其所守者由是而言則是  
非依違之說不足惑章章可知矣若猶有取嫌之懼則足下之  
志果近利矣其謂道何何歷觀古人著書者雖居窮處厄罹讒  
譖饒尚不肯枉尺而直尋足下登價騰光動賢公卿異日揚于王

庭安知向所謂袞繁為簡使聖朝言无枝葉不自是下始姑願  
勉之而已不宣何損首

荅劉格書

終南先生

丙子歲霜風晝寒見子於都下次年春色方盛會子於洛中秋  
夏之交又見於閬石余與子俱生聖世曾无豪髮効以致君澤  
民徒碌碌奔走於道路間有暇則濡臺深牋不過道才素是非  
治乱而已夏四月丙子屈長安長安予故里也南山之阿舊廬  
在焉每春谿雪冬秋天雨餘則登前崗倚高木以望渭北山峯  
森然聳列故都宮闕荒然丘墟思漢唐其業之盛君臣行事之  
迹未嘗不感光陰而歎淪廢之速也亦由杜預惜梁公之易變  
蓋有志之士願寸陰而思立功效能也況僕豈無意於行道而  
敗君澤民也哉若此則獨能无感乎夫揚旌臨高其見父老植  
聲當風其聲必振蓋得地而然也如僕者所謂乏其地也而復  
君子之行塊道不階堯舜小人之進耻面不如子都彼降志以



移貴勢布籠而附權豪者其進又爲易也願吾輩能爲之乎且  
磨約者不易泉而獲鱗善守者不降席而追道僕而垂歎但守  
其道而不易康其志而弗移又矣患乎各在一隅去千里也哉  
夏雲忽高素草濃綠羣曲花謝新豐酒濃所恨者不能與子長  
吟發憂高步放志把筆叙事質而不文餘願養性育和善自愛重

荅喬適書

穆先生

月日河南穆情白秀才足下近辱書并示文十篇終始讀其命  
意甚高自及淮西來嘗見人言足下少年樂喜文固耳聞而心  
存之但未敢輒輕信人說遂果知足下能然蓋古道息絕不行  
于時已久今世士子習尚淺近非章句散偶之辭不置耳目浮  
軌濫轍相跡而奔靡有異途焉其間獨敢以古文語者則而語  
怪者同也衆又排詬之罪毀之不目以爲迂則指以爲惑謂之  
背時遠名聞於富貴先進則莫有答之者同齊則莫有肯之者  
其人苟失自知之明守之不以固持之不以堅則莫不懼而疑

悔而思忽然且復去此而即彼矣噫仁義忠貞之士世豈獨多出於古而鮮出於今哉亦由時風來勢驅迂溺深之使不得從乎道也觀足下十篇之文則信有志于古矣其書夏問則曰將李于今則慮成淺陋將李于古則懼不取名于世李宜何首引韓先生師說之說以求解惑為謚之下當少秀之在懷進取之機反李于仁義不勝之時與之者寡非之者衆不得無于中焉是以在書見問其不才而弃于時者也何足為人質其是非可否徒以退拙无所用心因得從事于不急之李如舊者不誠其愚且黷或謂之為好古焉故足下以是厚相期待者蓋感其聲而求其意耶試為足下言之夫李乎古者所以為道非所以為名道者仁義之謂也然則行道者有以兼乎名守名者无以兼乎道何者行夫道者雖固有窮達云耳然而達于上也則為賢公卿窮于下也則為令君子其在上則礼成乎君而治加乎人其在下則順說乎親而勤修乎身窮也達也皆本於善稱焉

守夫名者亦固有窮達矣而皆反于是也達于上也何賢公卿乎窮于下也何令君子乎其在上則无所成乎君而成乎人其在下則无所悅乎親而終乎其身窮也達也皆離于善稱焉故曰行道者有以兼乎名守名者无以兼乎道有其道而无其名則窮不失為君子有其名而無其道則達不失為小人與其為名達之小人孰若為道窮之君子矧窮達又各係其時豈古入之道有負于人耶足下有志乎道而未忘乎古與聞于言而喜求于今二者之心苟交存而无擇將懼純明之性浸微浮躁之氣驟勝矣足下心明乎仁義又多識其歸嚮在固守而弗離堅持而弗奪力行而弗止則必立乎名之大者矣亨之正偽有分則文之指用自得何惑焉

答謝景山書

蔡端明

某頓首啓景山足下夏中辱示新文數十篇其間景山所稱道而僕所不願為者因事往問幸而時中欲景山思而從之不

陳子文辭也近蒙示書盈千百言引論稱類若固守而不移者  
某欲不然然使景山固而不移特鳴于人也其造之大者也其  
管蔡景山好稱李韓杜筆語於人今而曰既師其意又師其辭  
何患且嗜退之文辭欲誘人同所樂也某謂由道而李文道至  
焉文亦至焉由文而之道固於道者多矣是故道爲文之本文  
爲道之用與其誘人於文孰若誘人於道之先也景山前嘗主  
文辭而言故有是云某豈敢鄙文辭哉願事有先後且某之爲  
文无能過人其句讀高下時亦類乎古人无足恠也又病景山  
愛世人之不已知務以文詞有位求今而曰吾以文求止於有  
位於道爲無枉古之人重其自進我仕且因際求知於人无媿  
又云有數頃田必歸耕海上景山何樂於自進而勇於自退乎  
是未離乎躁也弄者易進而難退狷者難進而易退妾与狷君  
子皆不由也君子之於進退唯其道而已矣景山又多取前出  
聖人自進爲此苟有異於某之說雖前出重人某不從矣其猶他

佛朕石而必往孟子未遇於魯侯斯二者何求哉委乎夫而待用者  
也又病景山恤仕宦之顛倒今而曰非恤美仕之未得實意外之橫辱  
斯而景山未之思哉夫聖人之言皇良之賢人之規言愧之有人加言  
於我吾置其喜怒而辨其枉直使其言端而聖人賢者之說豈良而且  
媿焉其言異乎是吾將憫之豈暇受而不為辱乎小人之辱君子不  
辱也景山取之哉抑憤之心日益損矣景山又云若使其年四十而  
卑辱未必能如已之恬然不苟也其又復讀之益悲豈行已之  
謬坎如景山且不能自見信尚何望於衆人雖然其无求信於  
人自信甚明身之窮泰不得而知之焉孝遠近力窮則已其所  
自信者不却行而妄動也今日視前日猶能樂其所是而恨其  
所不至使年益加而慮益廣豈肯捨所樂而從所恨哉向景山  
別久思一相見以道所懷今雖諄諄其詞非求勝於景山蓋陳  
已之所守抑未知景山以為是非也誠以為非是幸亦詰焉其  
不敢憚煩於屢辱也不宣其頓首上

答李調書一

六一居士

脩白人至辱書及性詮三篇曰以質其果是非夫自信篤者无所待於人有質於人者自疑者也今吾子自謂夫子与孟荀場辯復生不能奪吾言其可謂自信不疑者矣而返以質於脩使脩有過於夫子者乃可爲吾子辨况脩未及孟荀楊韓之二二者也脩非知道者好幸而未至者也世無師久矣尚賴朋友切磋之益苟不自滿而中止庶幾終身而有成固嘗樂与幸者論議往來非敢以益於人盖求益於人者也况如吾子之文章論議豈易得哉固樂爲吾子辯也苟尚有所疑敢不盡言所予以告既吾子之自信如是虽夫子不能奪使脩何所說耶人還索書未知所答慙慙惕脩再拜

答李調書二

六一居士

脩自前辱示書及性詮三篇見吾子好幸善辯而文能及其意之詳今世之言性者多矣有所不及也故思与吾子卒其說脩

患世之學者多言性故嘗爲說曰夫性非學者之所急而聖人  
之所罕言也易六十四卦不言性其言者動靜得失吉凶之常  
理也春秋二百四十二年不言性其言者善惡是非之實錄也  
詩三百五篇不言性其言者政教興衰之美刺也書五十九篇  
不言性其言者堯舜三代之治亂也禮樂之書雖不完而雜出  
於諸儒之記然其大要治國脩身之法也六經之所載者人事  
之切於世者是以言之甚詳至於性也百不一二言之或因言  
而及焉非為性而言也故雖言而不究予之所謂不言者非謂  
絕而无言蓋其言者鮮而文不主於性而言也論語所載七十  
二子之問於孔子者問孝問忠問仁義問禮義問脩身問爲政  
問朋友問鬼神有矣未嘗有問性者孔子之告其弟子者凡  
數子言其及於性者一言而已予故曰非學者之所急固聖人  
之罕言也筆曰習性成語曰性相近也習相遠也戒人慎所  
習而言性中庸曰天命之謂性聖性之謂道者明性无常必有

以率之也樂記亦曰感物而動性之欲也明物之感人无不  
也然終不言性果善果惡但戒人慎所習與所感而勤其所以  
守之者尔予故曰因言以及而不究也脩少好孝知學之難而  
所謂六經之所載七十二子之所問者學之終身有不能達者  
矣於其所達行之終身有不能至者矣以予之汲汲於此而不  
暇乎其他因以知七十二子亦以是汲汲而不暇也又以知聖  
人所以教人垂世亦皇皇而不暇也今之孝者於古聖賢所皇  
皇汲汲者不之行之或未至其一二而好為性說以窮聖賢之  
所罕言而不究者執後儒之偏說事無用之空言此予之所不  
暇也或有問曰性果不足孝乎予曰性者與身俱生而人之所  
皆有也為君子者脩身治人而已性之善惡不必究也使性果  
善邪身不可以不脩人不可以不治使性果惡邪身不可以不  
脩人不可以不治不脩其身雖君子而為小人書曰惟聖罔念  
作狂是也能修其身雖小人而為君子書曰惟狂克念作聖是



也治道備人斯為善矣書曰黎民於變時雍是也治道失人斯  
為惡矣書曰舊染汙俗是也故為君子者以脩身治人為急而  
不窮性以為言夫七十二子之不問六經之不主言或雖言而  
不究豈略之哉蓋有意也或又問曰然則三子言性過歟曰不  
過也其不同何也曰始異而終同也使孟子曰人性善矣遂急  
而不教則是過也使荀子曰人性惡矣遂弃而不教則是過也  
然三子者或身奔走諸侯以行其道或著書累千萬言以告于  
後世未嘗不區區以仁義禮樂為急蓋其意以謂善者一日不  
教則失而入于惡惡者勤而教之則可使至于善學者樂而誨  
之則可使去惡而就善也其說與書之習與性成語之性近習  
遠中庸之有以學之樂記之慎物所感者皆合夫三子者推其  
言則殊察其用心則一故子以為推其言不過始異而終同也  
論三子者以乎言而一之則饒饒者可以悉矣予之說如此吾  
子其擇焉

卷之十 司馬文仲書

司馬溫公

三月二十日司馬某頓首復書司戶秘校孔君足下辱書教以孔子第門人而文孝處四科之末所以然之理幸甚其某愚陋无堪居常不見齒於士大夫足下徒以生之蚤而仕之久亦從而訪焉稍褻之過而責望之重且恐且愧無以自處某昔也聞諸師友曰孝之貴於行之而不貴於知之貴於有用而不愧於無用故孔子曰弟子入則孝出則弟謹而信汎愛衆而親仁行有餘力則以孝文子夏曰事父母能竭其力事君能致其身與朋友交言而有信雖曰未孝吾必謂之學矣此德行之所以爲四科首者也孔子又曰誦詩三百授之以政不達使于四方不能專對雖多亦奚以爲夫固有諸侯之事而能端委束帶與賓客言以排難解紛徇國家之急或務農訓兵以扞境其民是亦孝之有益於時者也故言語政事以之若夫習其容而未能尽其義誦其數而未能行其道雖敏而博君子所不貴此文孝

之所以爲末考也然則古之所謂文者乃詩書禮樂之文外降  
進退之容聲歌雅頌之聲非今之所謂入世今之所謂文者古  
之辭也孔子曰辭達而已矣明其足以通意斯止矣無事於華  
藻宏辯也必也以華藻宏辯爲賢則屈宋唐景莊別楊黑蘇張  
范蔡皆不在七十子之後也顏子不違如愚仲弓仁而不佞夫  
豈尚辭哉足下所謂李積于內則文發於外積於內也深博則  
發於外也博則天文者雖不文焉而亦可以兼得之李不充  
於中而徒外事其文則文盛於外而實困於內亦將兼弃其所  
李斯言得之矣曾子曰尊其所聞則高明矣行其所知則光大  
矣足下允蹈其言爲之无倦將与淵騫並驅爭先又况游夏尚  
奚足慕其方歟服企仰之不暇自視一無所有其何以爲獻不  
宣其損首

荅韓東國論中和書

司馬溫公

丁通直來蒙貺書審起居安和至喜示詩覽与景仁書似在論

論有所不同此何言哉朋友道廢久矣某述中和論所以必欲  
呈秉國者正為求切瑳琢磨庶幾近是耳豈欲秉國雷同而已  
邪聞秉國有論其不勝其喜故因景仁請見之句謂恠也然某  
至愚於秉國之論猶有所未達請試陳之惟秉國擇焉秉國云  
中之說有二對外而言一也無過而不及一也此誠如所論然  
中者皆不近四旁之名也指形而言之則有中有一也此誠如所論然  
之則有中有一也此書以中庸為名其所指者蓋德也非形也如  
秉國所論則中庸應云喜怒哀樂之未發謂之中及其既發謂  
之外則不云喜怒哀樂之未發謂之虛發而皆中則謂之和乃  
相應也秉國又云虛則明慤則暗此誠如所喻然所謂虛者非  
空洞無物之謂也不以好惡利害蔽其明是也夫心動物也一  
息之閒天外濶沉周流四海固不肯兀然如木石也惟賢者治  
之能止於一擇其所止莫如中庸故虞書曰惟精惟一允執厥  
中也凡人固有無喜怒哀樂之時當此之際其心必有所在

人則追求嗜好靡所不至惟君子能自處於中庸之地不動以待事也大亨曰知止而後有定定而後能靜靜而後能安安而後能慮慮而後能得又曰爲人君止於仁爲人臣止於敬爲人子止於孝爲人父止於慈與國之交止於信言所止各有在也荀子曰德操然後能定能定然後能應能定能應夫是之謂成人亦言所定在於德也又曰人何以知道曰心心何以知曰虛一而靜心未嘗不藏也然而有所謂虛不以所已藏害所將受謂之虛心未嘗不和也然而有所謂一不以夫一害此一謂之一心未嘗不動也然而有所謂靜不以夢亂知謂之靜然則虛者固不爲空洞無物靜者固不謂兀然如木石也凡曰虛曰靜曰定云者如大亨與荀子之言則得中而近道矣如佛老之言則失中而遠道矣其所以不好佛老者正謂其不得中道可言而不可行故也借使有人真能獨居冥坐屏物弃事以求虛無寂滅心如死灰形如槁木及有物敘然來感之必未免出應

之則其喜怒哀樂未必皆能中節也曷若治心養氣專以中  
事動靜語默飲食起居未始不在乎中則物雖輻湊橫至一以  
中待之無有不中節矣東國又引王輔嗣解復其見天地之心  
以證虛心爲衆本之所自出夫萬物之有誠皆出於無然既有  
則不可以無治之矣其嘗疾輔嗣好以老莊解易恐非易之本  
指未足以爲据也輔嗣以雷動風行運變旁化爲非天地之心  
然則爲此者果誰邪夫雷風日月山澤此天地所以生成萬物  
也若皆寂然至無則万物何所資仰邪天地之有雲雷風雨猶  
人之有喜怒哀樂必不能無亦不可无也故易曰雲行雨施品  
物流形詩曰君子如怒亂庶端但君子如祉亂庶端已但動靜  
有節隱見有時不可過與不及過與不及而皆爲災害必得中  
然後和和然後能育万物也自有天地以來陽極則陰生陰極  
則陽生動極則靜靜極則動盛極則衰衰極則盛否極則泰泰  
極則否若循環之无端万物莫不由之故曰一陰一陽之謂道

此皆天地之心然復者陽生之始也天地之大德曰生故聖人  
贊之曰復其見天地之心乎言天地之道雖一往一來本以好  
生為心也易道幽深而輒散亦為之解其罪其失亦不自諱其  
是与非也抑求之空言不若驗之實事切問秉國平日好習靜  
其不勝區區願秉國試輟膏肓之心動靜語默飲食起居皆在  
於中勿須更離也久而觀其所得所失孰少孰多則秉國必自  
得之矣豈待某之煩言哉愚慮如此所不及者不惜更示

代人為先君求文集序書

六一居士

某月日具在某某謹奉別沐獻書樞密相公閣下某聞傳曰言之无  
文行之无遠君子之所吝也言以載事而文以飾事信言是  
乃能表見於後世詩書易春秋皆書數語而尤文者故其傳尤  
遠荀卿孟軻之徒亦善為言然其道有至者不至者其書或傳  
或不傳猶繫於時之好惡而兵燹之其尤焚者大夫者書文其  
經歌以傳度之盛時有賈誼董仲舒司馬相如揚雄能文其文

辭以傳由此以夾去聖益遠世益薄或衰下迄周隋其間亦時  
時有善文其言以傳者然皆紛雜滅裂不純信故百不傳一幸  
而一傳傳亦不顯不能若數家之焯然暴見而大行也甚矣言  
之難行也事信矣須文文至矣又繫其所恃之大小以見其行  
遠不遠也書載堯舜詩載商周易載九聖春秋載文武之法荀  
孟二家載詩書周易春秋者楚之辭載風雅漢之徒各載其時  
主聲名文物之盛以爲辭後之學者蕩然無所載則其言之不  
純信其傳之不久遠勢使然也至唐之興若太宗之政開元之  
治憲宗之功其臣下又爭載之以文其詞或播樂歌或刻金石  
故其間鉅人碩德閑言高論流鏤前後者恃其所載之在文也  
故其言之所載者大且文則其傳也章言之所載者不文而又  
小則其傳也不章其不恆守先人之緒餘先人在太宗時以文  
辭爲名進士以對策爲賢良方正旣而守道純正爲賢待制逢  
時太平奮身揚名徇其言之所載文之所行大而可恃以傳世



然未能其行於世者豈其嗣續不自不能繼守而民沒之抑有由也夫文之行雖繫其所載猶有待焉詩書易春秋待仲尼之刪正荀孟屈原無所待猶待其弟子而傳焉漢之徒亦得其史臣之書其始出也或待其時之有名者而後發其既歿也或待其後之紀次者而傳其爲之紀次也非其門人故吏則其親戚朋友如夢得之序子厚李漢之序退之也伏惟閣下學老文鉅爲時雄人出入三朝其能望光輝接武步者惟先君爲舊則亦先君之所待也豈小子之敢有請焉謹以家集若干卷數寫獻門下惟哀其誠而幸賜之

荅祖擇之書

同前

脩啓秀才人至蒙示書一通并詩賦雜文兩策諭之曰一覽以爲如何某既陋不足以辱好學者之問又有少賤而長窮其素所爲未有足稱以取信於人亦嘗有人問者以不足問之愚而未嘗荅人之問足下卒然及之是以愧懼不知所言雖然不遠

數百里走使者以及門意厚禮勤何敢不報某聞古之學者必  
嚴其師師嚴然後道尊道尊然後篤敬篤敬然後能自守能守  
然後果於用果於用然後不畏而不遷三代之衰學校廢至兩漢  
師道尚存故其後者各守其經以自用是以漢之政理文章與  
其當時之事後世莫及者其所從來深矣後世師法漸壞而今  
世无則學者不尊嚴教自輕其道輕之則不能至不至則不能  
篤信信不篤則不知所守守不固則有所畏而物可移是故學  
者惟俯仰徇時以希祿利爲急至於志本趨末流而不反夫以  
不信不固之心守不至之學雖欲果於自用莫知其所以用之  
之道又況有祿利之誘刑禍之懼以遷之哉此足下所謂志古  
知道之士世所鮮而未有合者由此也足下所謂文用意甚高  
卓然有不顧世俗之心直欲自到於古人今世之人用心如足  
下者有幾士則鄉曲之是能爲足下之師者謂誰交游之間能  
發足下之議論者謂誰學不師則守不一議論不博則無所發

明而究其際足下之言高趣遠是善然所守未一而議論甚精此其病也竊惟足下之交遊能爲足下稱才譽美者不少今捨之遠而見及乃知足下是欲求其不至此古君子之用心也是以言之不敢隱夫世無師矣學者當師經師經必先求其意意得則心定心定則道純道純則充於中者實中充實則發爲文輝光施於世者果致三代兩漢之學不迥此也足下退世未有合者而不棄其愚將其以爲合故敢道此未知於足下之意合否云

荅徐無黨書

同前

脩白人還惠書及貽隱書論等并前所記獲麟論文辭馳騁之際豈常人筆力可到至於辯論經旨則不敢以爲是蓋吾子自信甚銳又嘗取信於某苟以爲然誰能奉奪凡今治經者莫不患聖人之意不明而爲諸儒以自出之說汨之也今於茲外又自爲說則是惠少渾水而投土益之也不若沙土盡去則水清

而明矣魯隱公南面治其國且其吏民者十餘年死而入廟  
謚稱公則當時魯人孰謂息姑不為君也孔子修春秋凡其  
侯盟會行師命將一以公書之於其卒也書曰公薨則聖人  
何嘗異隱於他公也據經隱公十一年而薨則左氏何從而知  
其攝公羊穀梁何從而見其有讓桓之迹吾子亦何從而云云  
也仲尼曰吾其為東周乎與吾子起於平王之說何相反之甚  
邪故某常告學者慎於述作誠以是也秋初許相訪此不子細  
略開其端吾子必能自思而得之不宣脩書白

新刊 國朝二百家名賢文粹卷第二百五